

Ilanngussaq G



Uunga: Inatsisartut

**AIS2024-p (UKA2024/7) pingajussaaneerneqarnissaanut allannguutissatut
siunnersuummut naqqiut**

Matumuuna 2024-mut Aningaasanut inatsisissatut siunnersuutip
pingajussaaneerneqarnissaanut Naalakkersuisut aningaasaliissutitut
allannguutissatut siunnersuutitut agguasaannut (ilangussaq 1) allannguutissatut
siunnersuutitut nr. 84-mut aamma 132-mut missingersuutitut tapiliussanut naqqiutit
nassiunneqarput.

Naqqiutikkut allannguutissatut siunnersuummut 132-mut missingersuutitut
tapiliussami utoqqatsinartumik oqaasertaliineq naqqinneqarpoq, allannguutissatullu
siunnersuummut nr. 84-mut missingersuutitut tapiliussanut suliniutitut
takussutissiamut allannguutit ivertinneqarlutik.

14-11-2023
Sagsnr.: 2023-25531

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.nanoq.gl

Inussiarnersumik inuulluaqqusillunga

Erik Jensen

82.30.01 "Mingutsitsinngitsumik aningaasarsiornikkut siuarsaanermut" tunngatillugu EU-mi suliniutit (Sanaartornermut aningaasaliissutit)

Missingersuutit
immikkoortiterneri

	AS 2024	M 2025	M 2026	M 2027
	---- 1.000 kr. ----		---- mio. kr. ----	
Ilanngaaseereerluni aningaasartuutit	0	0,0	0,0	0,0

EU-p aamma Kalaallit Nunaat akornanni isumaqatigiissutaasoq naapertorlugu suliniutit ilanngunnissaat kontumi pingaarnermi anguniarneqarpoq. Suliniutit 0-mik aningaasaliiffigalugit avataaniillu aningaasaliiffigalugit ilanngunneqassapput. Allanneqartut tullinnguuttut ilannguteqquneqarput:

"Suleqatigiiffiususaaq nutaaq, Mingutsitsinngitsumik Ineriartorneq, suleqatigiinnissamik isumaqatigiissummi allagaammi, "EU-p aamma Kalaallit Nunaata Suleqatigiinnerannut 2021-2027-mut Iilersuutaalluni Programi ukiunut arlalinnut atuuttusaaq"-mi (MIP) ilanngunneqassaaq. Allagaammi tamatuma saniatigut missingersuutinut aningaasat atorneqartussat agguataariffiginerat takutinneqarput, taakkulu aqutigalugit suleqatigiiffiususaaq nutaaq ukiunut arlalinnut 168 mio. kr.-ninik aningaasaliiffigineqarpoq. Programimi allagaatini suliniuteqarfissat immikkut ittut ilaat aamma innersuussutigineqarput, tamakkulu Mingutsitsinngitsumik Ineriartortoqarnissaanut Programini immikkut sammisariaqarput, tassalu piujuartitsinermik tunngaveqarluni allanngornissap siuarsaaffiginissaa siunertarineqarpoq, tassungalu peqatigitillugu nunatta aningaasaqarnerata assigiinngisitaartuunissaanut tapeeqataassalluni.

Europa Kommissionenip suliniutinut immikkut toqqakkanut immikkut tapiissuteqartarnissaaq pillugu siunertani oqaatigisimavai.

Suliniutinik immikkoortiterinerit mio. kr.-nngorlugit

Suliniu						
tip nr.	Suliassap taaguutaa	Sumiiffik	AS 2024	M 2025	M 2026	M 2027
	Mingutsitsinngitsumik		-22,4	-28,3	-28,3	-28,3
	Ineriartorneq - EU-mit	Kalaallit				
10055	akiliutigineqartut	Nunaat				
	Missingersuutinut		22,4	28,3	28,3	28,3
	tapiissuteqarneq - Suliniutinut	Kalaallit				
10056	takussutissiaq	Nunaat				
Katillugit						
			0,0	0,0	0,0	0,0

SULINIUTIT AALLARTINNEQAREERSUT:

Kalaallit Nunaat

10.055 Mingutsitsinngitsumik Ineriartorneq - EU-mit akiliutigineqartut

Suliniut matumani pineqartoq Europa Kommissionip tamanna pillugu neriorsuisimanera naapertorlugu suliniutinut toqqakkanut missingersuutinit tapiissutinik tunineqartunut EU-mit akiliutigineqartut naatsorsuiffiginissaannut atorneqassaaq, tamannalu suliniut nr. 10.056-ip, konto pingaarneq manna aqqutigalugu, Missingersuutinit tapiissuteqarneq - suliniutinut takussutissiami, takuneqarsinnaavoq.

Kalaallit Nunaat

10.056 Missingersuutinit tapiissuteqarneq - suliniutinut takussutissiaq

Suliniut matumani pineqartoq suliniutinut toqqarneqartunut missingersuutinit tapiissutinik tiguisartunut Europa Kommissionillu tapiiffiginiarlugit neriorsuuteqarfigisimasaannut ilimagisatut aningaasartuutissanik imaqarpoq.

Missingersuutinit toqqaannartumik tapiissutit mio. kr.-nngorlugit	2024	2025	2026	2027
Ilisimagisatut missingersuutinit tapiissutissat 80 %-imik anguniagassartalerlugit	-22,4	-28,3	-28,3	-28,3
P2. Tapersersugassaq Aningaasalersuisinnaanermut Periarfissat	0,5	0,5	0,6	0,4
P6. Avatangiisitigut, Isumaginninnikkut Aqutsinikkullu pissutsit (ESG)	0,2	0,2	0,2	0,1
P7. Attaveqaasersuutininik pitsanngorsaaneq	0,2	0,0	0,0	0,0
P8. EU INSPIRE-p piviusunngortinnera	0,1	0,0	0,0	0,0
P10. Nalilinnik misissueqqissaarneq	0,0	0,0	0,0	0,1
P11. Nunaannarmik misissuinerit aamma Copernicus	0,0	0,0	0,0	0,2
P12. Ilisimatusarnermut nutaaliornermullu tunngatillugu suleqatigiinneq	0,0	0,0	0,0	0,6
P14 Arctic Climate Hacks	0,0	0,3	0,3	0,3

Missingersuutinit toqqaannartumik tapiissutit mio. kr-nngorlugit	2024	2025	2026	2027
P17 Kalaallit Nunaata kitaani pinngortitamut allanngutsaaliukkamut suliniut	5,6	0,1	1,3	1,1
P22 Suliffissuarnut erngup nukianik annertoorsuarmik neqeroorneq	9,0	2,2	2,2	2,2
P26. Kalaallit Nunaanni immap naqqani uumassuseqartut ataqatigiinnerannik nakkutilliineq	4,3	4,3	4,3	4,3
P27. Takornarissanut sullissiviit mingutsitsinnginnerusut	0,7	0,6	0,6	1,1
P28. Issittumi Nuna tamakkerlugu takusassaqqissut illersornerat	0,0	0,7	0,7	0,8
P29. Inuusuttut aamma Isumaginninnermi aningaasaqarnikkut SMV-t takornariaqarnerup iluani sullissisutut	0,3	0,4	0,0	0,5
P30. Umiarsuarni takornariartaatini piujuartitsinermik tunngaveqarluni suleriaatsit nuna tamakkerlugu piviusunngortinnissaat	0,0	0,9	0,5	0,8
P31. Kalaallit Nunaat misigisarfigiuk - Kalaallit Nunaanni piujuartitsinermik tunngaveqarluni takornariaqarnermut pitsaassutsimik nalunaaqutsersueriaaseq allanngorsinnaasoq	0,7	0,5	0,0	0,3
P32. Pitsaanagerusumik takornariartitsisarnissamut piffissamik atuisarnissaq	0,3	0,7	0,7	0,4
P33. Turisme Satellit Konti atorlugu misissueqqissaarnerit aqcutigalugit Kalaallit Nunaanni takornariartitsisartut piujuartitsinermik tunngaveqarluni ingerlatsinissamut nuunnissaat	0,5	0,5	0,5	0,8

Missingersuutinit toqqaannartumik tapiissutit mio. kr-nngorlugit	2024	2025	2026	2027
CCS	0,0	16,4	16,4	10,5
Sillimmatit	0	0	0	3,8

Suliap aallartiffissaa: 2024

24.11.10 Nioqqutissanik eqqussuinermi akitsuutit (Isertitatut aningaasaliissutit)

Missingersuutit immikkoortiterneri

	AS 2024	M 2025	M 2026	M 2027
	-- 1.000 kr. --	---- mio. kr. ----		
Ilanngaaseereerluni isertitat	-65.000	-65,0	-65,0	-65,0

Utertitassanut nalunaarummik nutaamik atuutilersitsinissamat suliat nutaat piviusunngortinnerisa konto pingaarnermut kingunerisassat ilanngunneqassapput. Siuliani saqqummersinneqarsimasut tullinnguuttunik missingersuutinik taarseqquneqarput:

"Kontumut pingaarnermut matumunnga oqaasertaliussaqqarpoq.

Nioqqutissanik eqqussuinermi akitsuutit pillugit Inatsisartut inatsisaat nr. 19, 30. oktober 1992-imeersoq kingornatigut allannguuteqartoq naapertorlugu nioqqutissat arlallit, soorlu sukkut, sukkulaatit, imigassat aalakoornartullit, tupanit nioqqutissiat, qamutit motoorillit tipigissaatillu il.il., akitsuuteqartussaapput.

Akitsuutit ataasiakkaarlugit nalinganullu akilersinniarneqartarput.

Nersussuup puulukillu eqqunneqarnerannut akitsuutit inatsisit allanngortinneqarneranit Inatsisartut 2023-mi ukiaanerani ataatsimiinneranni akitsuuserniarnagit akueraat.

Ilaatigut utertitassanut inatsisitigut suliat nutaat piviusunngortinnerisa kingunerisaannik, ulloq 1. januar 2024-miit atuutilersussamik, taamatullu ulloq taana Nuuk Imeq A/S-imik nioqqutissiornermik matusinermik, utertitassanut akitsuutit ukiumut 65 mio. kr.-inik qaffanneqarneranik malitseqqarpoq.

Tassunga ilanngunneqarsimapput 50 mio. kr.-t utertitassat katillutik 25 mio.-t ataaseq 2,00 kr.-nik naleqartinneqarluni, aamma 15 mio. kr.-it utertitaq ataaseq 0,60 kr.-nik akitsuuteqarluni. Utertitani taakkulu akitsuutaanit isertitat utertitassanut nakkutilliisumut nuunneqassapput.

Katillutik ilanngaait peereerlugit taamaalillutik missiliorlugit 65,0 mio. kr.-nik isertitaqamerussutit missingerneqarput poortuutissanut siunnerfeqartumik ammanerulersitsinikkut kingunerisaanik.

Utertitat utertitassallu akitsuutaanik Akileraartarnermut Aqutsisoqarfik akiliisitsisinnaanissaanut piginnaatinneqarsinnaanissaanut, konto pingaarnermut 73.01.12 Utertitassanut aaqqissuussinermut oqaasertaliussat inatsisigut tunngavissinneqarnissaa.

Iluanaarutissanut imigassaniit aalakoornartortalinnit Kalaallit Nunaanni tunisassiarineqartunit iluanaarutit aamma ilanngunneqarput.

**Suliassami kisitsisissatut
naatsorsuutigisat**

Iluanaarutit (1.000 kr.)	AS 2024	M 2025	M 2026	M 2027
Sukkut sukulaatillu	-62.000	-62.000	-62.000	-62.000
Imigassat aalakoornartortallit	-209.000	-209.000	-209.000	-209.000
Imeruersaatit poortuutissallu	-127.000	-127.000	-127.000	-127.000
Pilerisaarutit naqitat	-500	-500	-500	-500
Tupanik nioqutissiat	-195.000	-195.000	-195.000	-195.000
Neqinik tunisassiat	-2.200	-2.200	-2.200	-2.200
Qamutit mootorillit	-32.000	-32.000	-32.000	-32.000
Tipigissaatit	-4.000	-4.000	-4.000	-4.000
Qummoroortaatit	-3.000	-3.000	-3.000	-3.000
Nuuk Imeq Sodavand	0	0	0	0
Sodavand	-43.500	-43.500	-43.500	-43.500
Akitsuutit Immiorfeeqqat	-3.200	-3.200	-3.200	-3.200
Assigiinngitsut	0	0	0	0
Qularnaveeqqusiussaq	-50.000	-50.000	-50.000	-50.000
Utertitassanut akiliutit	-15.000	-15.000	-15.000	-15.000
Utertitassanut nakkutilliisumut nuunneqartussat	65.000	65.000	65.000	65.000
Akiligassalinnit annaasanut immikkoortitsinerit	0	0	0	0

”